



Am. g. tab. 6.

100-40

x

59.















# Le sacre & couron-

NEMENT DV TRESAUGVSTE,

*trespuissant & treschrestien Roy HENRY  
deuxiesme de ce nom A Reims.*

*Lan M D XLVII en Iuillet.*

*Avec la harengue faicte au Roy par monsei-  
gneur le Cardinal de Guise Archeues-  
que de Reims, & la responce  
du Roy.*

A P A R I S

*Chez André Roffet dict le Faucheur, demeurant en  
la rue neufue nostre Dame deuãt sainte Geneuiefue  
des ardants, à l'enseigne du Faucheur.*

A V E C P R I V I L E G E .

M D XLIX.



PRIVILEGE.

Il est permis & accordé de par le Roy nostre souverain Seigneur, a Andre Roffet dict le Faulcheulx, de faire imprimer & uendre son Sacre & Couronnement, cōposé en rhyme Françoisse par maistre Claude Chapuys, son libraire & uarlet de chambre ordinaire, & deffences a tous aultres ne l'imprimer ou faire imprimer sur les peines contenues es lettres sur ce passees le sixiesme iour de Iuing M. D. XLIX.

De Laubespine.



A TRESILLVSTRE PRINCE

*monseigneur le Cardinal de Guyse  
Archeuesque de Reims.*

*Soit pour raison de uostre dignité,  
Ou pour l'esgard de mon petit seruice,  
Ce liure doibt uous estre présenté,  
Non pour espoir de quelque benefice:  
Mais uous ayant du sacre faict l'office  
Et moy d'escript ce que i'en ay peu ueoir,  
Ie ne scaurois meilleure adresse auoir.  
Vous plaise donc accepter mon bon zele,  
Et puis au Roy le faisant receuoir,  
Faictez uoller ce sacre sous uostre ele.*

THE HISTORY OF THE

ROYAL SOCIETY OF LONDON

AND OF THE

ACADEMY OF SCIENCES  
AND ARTS  
OF THE CITY OF LONDON  
AND OF THE  
UNIVERSITY OF OXFORD  
AND OF THE  
UNIVERSITY OF CAMBRIDGE  
AND OF THE  
UNIVERSITY OF BATH  
AND OF THE  
UNIVERSITY OF BIRMINGHAM  
AND OF THE  
UNIVERSITY OF MANCHESTER  
AND OF THE  
UNIVERSITY OF LEEDS  
AND OF THE  
UNIVERSITY OF SHEFFIELD  
AND OF THE  
UNIVERSITY OF NOTTINGHAM  
AND OF THE  
UNIVERSITY OF LIVERPOOL  
AND OF THE  
UNIVERSITY OF GLoucester  
AND OF THE  
UNIVERSITY OF BRISTOL  
AND OF THE  
UNIVERSITY OF SWANSEA  
AND OF THE  
UNIVERSITY OF CARDIFF  
AND OF THE  
UNIVERSITY OF NEWCASTLE  
AND OF THE  
UNIVERSITY OF DUNDEE  
AND OF THE  
UNIVERSITY OF ABERDEEN  
AND OF THE  
UNIVERSITY OF GLASGOW  
AND OF THE  
UNIVERSITY OF EDINBURGH  
AND OF THE  
UNIVERSITY OF DUBLIN  
AND OF THE  
UNIVERSITY OF LONDON



LE SACRE ET COVRONNEMENT  
du tresauguste, trespuiſſant & treschreſtien  
ROY HENRY II. de ce nom

A REIMS.



*E uous inuoque ó Maieſté ſacrée,  
O Roy Henry, l'oeil duquel nous recrée,  
Et rend ſerain par ſa grande clarté  
L'air tenebreux & plain d'obſcurité.*

*Je uous inuoque: & ne ueulx implorer  
Autre Apollo:ny plus hault aſpirer  
Qu'à la faueur de uoſtre bonne grace,  
S'il uous plaiſoit m'y laiſſer quelque place.  
Et ſi c'eſt trop, d'aultant que n'en ſuis digne,  
A tout le moins monſtrez moy quelque ſigne,  
Que uous auez receu pour agreable  
Le bon uouloir d'un ſeruiteur feable,  
N'ayant eſgard à mon inſuffiſance:  
Et ne me ſoit compté pour arrogance,  
Si ie celebre en mes uers uoſtre ſacre:  
Et à uous ſeul ie dedie & conſacre  
L'oeuure & l'auth eur, en toute humilité.*

*Quand Iuppiter, qui en eternité  
Commande ſeul aux homes & aux dieux,  
Et eſt icy preſent & en tous lieux,  
Eut en ſon throſne ou il eſt adoré,  
Tout ſon conſeil deuers ſoy retiré,  
Pour reformer les abuz de ce monde,  
Il commença avec grande faconde*



## LE SACRE DV

A exprimer sa sainte uolunté,  
Et dict ainsi: Ie uoy la Chrestienté  
Ma chere fille en combustion telle,  
Que ie ne puis n'auoir grand' pitié d'elle.  
Sachant qu'en moy à mis sa confiance,  
Du mal feray deuant tous la uengeance,  
Et le bien faict sera recompensé.  
Tel est bien hault qui sera repoulsé.  
Tel est au bas qui esleué sera,  
Comme raison sans faueur iugera.  
Ie ne ueulx plus que Fortune inconstante  
Tienne le tiltre, & lieu de gouuernante  
Es cours des Roys. Ie ueulx que uerité  
Y soit receuë: & que l'autorité  
De la uertu des plus grans soit suyvie:  
Ie ueulx chasser fauls rapportz & enuie,  
Ambicion, & sa pompe excessiue.  
Sur ce propos avec douceur naïfue.  
Pallas s'approche, & crie à haulte uoix,  
O Dieu des dieux iuge comme tu uois  
Que le requiert ta constante equité.  
Le Roy HENRY n'a il pas merité  
Le sceptre en main & au chief la couronne?  
N'a il pas faict ce que le droit ordonne  
Après la mort du Roy FRANCOYS son pere?  
Ie n'entends point pourquoy doncq' lon differe  
De le sacrer: y a il resistance  
Qui luy peust nuyre, & faire violence?  
Tant de pais, tant de belles contrées

D'esirent

## ROY HENRY II.

Desirent ueoir qu'il face ses entrées:  
 A celle fin qu'honneur luy soit rendu  
 Tel qu'a un Roy souuerain il est deu:  
 Roy de son peuple apres uous, mieulx aymé.  
 Soubdain qu'elle eut ce discours entamé,  
 En soubzriant Iuppiter luy respond,  
 Le Roy HENRY de ce nom le second,  
 (Ainsi qu'il est notoire & manifeste)  
 A ceste court souueraine & celeste,  
 Le Roy HENRY sera Roy triumpgant,  
 Et les enfans uerra de son enfant  
 Auecques luy augmenter son Empire.  
 Il obtiendra de moy ce qu'il desire,  
 Pour ce qu'il m'aime & me craind & adore.  
 Aussi ie ueulx que son peuple l'honnore:  
 Craindre & aimer des aultres le feray.  
 S'il cherche paix, la paix luy donneray.  
 Mais si quelqu'un luy suscite la guerre,  
 Trembler uerrez soubz luy toute la terre.  
 Et ce pendant ie ueulx qu'il soit sacré,  
 Et qu'il recoyue en son Royal degré  
 D'or la Couronne. Et alors l'assistance  
 De tous les dieux loua ceste sentence  
 Excepté Mars: lequel auoit la face  
 Fort enflammée: & d'une grand' audace  
 Tournoit les yeulx: toutesfoys il s'est teu,  
 Considerant la force, & la uertu,  
 La hardiesse, & magnanimité  
 Du Roy HENRY: auquel est arresté



## LE SACRE DV

Qu'on enuoir a le facond dieu Mercure,  
 Pour luy monstrier quel est le soing & cure  
 Que les dieux ont & de luy & des siens,  
 Soit pour l'honneur pour la force ou les biens.

Mercure doncq' des dieux le messagier,  
 Estant porté d'un uent doux & legier  
 Pour accomplir de sa charge le deu,  
 Incontinent du Ciel est descendu  
 Iusques en France: & a le Roy trouué  
 Qui presidoit en son conseil priué,  
 Fort curieux d'entendre ses affaires,  
 Les plus urgens: & les plus necessaires:  
 Et approuua Mercure grandement,  
 Du ieune Roy le bon commencement:  
 Roy ieune d'aage & uiel de cognoissance:  
 Et puis luy dist: Dieu qui a mis la France  
 Entre tes mains, Dieu des Roys protecteur,  
 Des Roys le Roy, & seul dominateur  
 M'a enuoyé te dire & declairer,  
 Qu'il te fera florir & prosperer  
 Dessus tous Roys, en obseruant sa loy:  
 Mais sans cela tu seras moins que Roy.  
 Il n'est pas Roy, qui en richesse habunde,  
 Et eust il seul tous les tresors du monde.  
 Il n'est pas Roy, qui par puissance grande  
 Est redoubté, & aux aultres commande.  
 Il n'est pas Roy, qui de pourpre est uestu,  
 Mais il est Roy qui precelle en uertu:  
 Qui n'obeist à son affection:

Qui



Qui croit conseil & bonne instruction:  
 Qui est du peuple un uray pasteur & pere:  
 Qui a son bien le bien public prefere:  
 Et est des siens reueré, non par crainte,  
 Ains par amour cordiale & non faincte:  
 Qui est tousiours liberal à donner:  
 Et beaucoup plus facile à pardonner:  
 Qui fauorise au droict & uerité:  
 Chasse le uice, abhorre uolupté.  
 A ceste cause il te fault maintenant  
 Considerer que tu es lieutenant  
 De Dieu en France: en France tresheureuse  
 De gens tresforte, & en biens plantureuse.  
 Quel plus beau tiltre eust il sceu t'ordonner?  
 C'est Dieu qui faict deuant toy prosterner  
 Tant de Seigneurs & tant de nobles Princes,  
 Tant de subiectz, tant de belles prouinces.  
 C'est Dieu: qui doncq? c'est Dieu qui t'a commis  
 Pour les garder de tous leurs ennemis.  
 Comment garder? c'est luy mesmes, c'est luy  
 Qui est de toy & des tiens seul appuy.  
 C'est luy qui est ta seule sauluegarde:  
 Il te maintient, il te conserue & garde.  
 Reconnois doncq' ceste grace diuine,  
 Et ne fais rien qui de toy soit indigne.  
 Ouure les yeulx pour ueoir la dignité  
 De ce hault lieu, & grand' autorité.  
 Et non obstant que tu sois Roy & maistre,  
 Si te doibs tu mesurer & cognoistre,

# LE SACRE DV ROY

Reiglant le tout de iustice au compas,  
 Et en tes maulx Dieu ne t'oublira pas:  
 Ains tes soubhaietz du tout accomplira:  
 Et de son throsne ung ange t'enuoyera  
 Pour te conduire avecques sapience.  
 Reiecte en luy toute ta confidence.  
 N'espere point en grand' trouppes & cohorte.  
 Dieu est ton bras: dieu est ta dextre forte:  
 En luy qui est le seul souuerain bien  
 Tu pourras tout: sans luy ne pourras rien.  
 C'est le uray but, ou tousiours doibz pretendre.  
 Et au surplus par moy te faict entendre,  
 Qu'il ueult qu'en brief ton saint sacre se face,  
 Pour recepuoir du Saint Esprit la grace,  
 Du Saint Esprit qu'aux esleuz il enuoye.  
 Et tu seras oingt de l'huile de ioye,  
 En grand' triumphe, & gloire non pareille.  
 Et la dessus luy a dict en l'aureille  
 Quelques propoz de grande consequence,  
 Dont appartient au Roy l'intelligence,  
 Et n'est besoing icy les reueller.  
 Mais quand Mercure eut cessé de parler,  
 Il se iecta dedans une nuée  
 A pres auoir la France saluée.

Surquoy le Roy, qui en France domine,  
 Diligemment en son cueur examine  
 Tous ces propoz: puis resoult en soy mesme,  
 Se conformer a la bonté supresme,  
 Et obeir au diuin mandement.



## ROY HENRY II.

*En plain conseil est dict que promptement  
 Sacré sera, sans que plus on delaye.  
 Et au chasteau de saint Germain en Laye  
 Fait apporter de saint Denis en France  
 Les ornemens, qui d'antique ordonnance  
 Sont pour seruir à choses tant diuines:  
 La camisole avecques les botines,  
 Mantel Royal, main de iustice & sceptre.  
 Et pour certain la Couronne y doit estre,  
 Grande & moyëne, avecq la dalmatique,  
 Les esperons, l'espee & la tunique.  
 Mais pour aultant que par l'antiquité  
 Tout y estoit desrompu & gasté,  
 Incontinent le Roy en a faict faire  
 D'autres tous neufz, comme il fut necessaire,  
 De telle estoffe, & si parfaict ouurage,  
 Qu'on n'y scauroit rien chercher d'aduantage.  
 Et cela faict, alors fut ordonné  
 Que le seigneur de Bordaisiere aîné,  
 Homme d'esprit & des plus inuentifz,  
 Iroit à Reims pour les preparatifz:  
 Ayant de tout la superintendence.  
 Celluy qui est Prince plein d'excellence,  
 Le Duc de Reims Archeuesque & pasteur,  
 Qui en ieune aage à receu ce grand heur  
 D'estre appellé du Roy à tresbon droict,  
 Non seulement en son conseil estroict  
 Pour le regard de sa dexterité,  
 Mais pour auoir avec luy prinaulté.*



## LE SACRE DV

Nommer le fault: c'est Charles de Lorraine,  
 Qui donne à tous une attente certaine  
 De paruenir d'honneur au plus hault point,  
 Car nul n'en est digne s'il ne l'est point.

Il uient à Reims, grand nombre l'accompaigne,  
 De grans seigneurs de Bourgongne & Châpaigne:  
 Et mesmement uont au deuant de luy,  
 Les citoyens: & n'y a eu celluy  
 Qui n'ait donné signe d'esioiſſance,  
 Car ilz ont tous entiere cognoiſſance  
 De ſes uertuz: & auſſi le deſir  
 De ueoir le Roy, leur donne tel plaisir,  
 Qu'il touche au cueur, & ſe monſtre au uiſaige.

Leur Archeueſque eloquent & treſſaige  
 Voyant à l'oeil leur bonne affection,  
 Leur declaira du Roy l'intention.  
 Les enhortant de faire leur debuoir:  
 Et leur fait bien ceſte faueur de ueoir  
 Tous leurs deſſeings, a fin d'y adiouſter  
 S'il en eſtoit beſoing, ou d'en oſter.  
 Mais ilz ont tous tel zele de bien faire,  
 Que rien ne peult en leurs œures deſplaire:  
 Et en brief temps ilz ont eſtéz tous preſtz.

Ceulx de l'eſgliſe auſſi font leurs appreſtz  
 Diligemment ainſi qu'il eſt requis:  
 Et s'ilz ont rien ſingulier & exquis  
 En leurs treſors l'ont mis en euidence,  
 Pour demonſtrer quelle eſt la reuerence,  
 Qu'on doit au Roy, qui reçoit en l'eſgliſe

L'au-

## ROY HENRY II.

L'authorité à luy du Ciel transmise,  
Gardant de Dieu les saintz commandemens.

Dedans le choeur les plus beaulx ornemens  
Sont desployez: chappes de broderie  
Et de drap d'or, riche tapisserie:  
Dessus l'autel maintz ioyaulx precieux,  
Dont la lueur esblouissoit noz yeulx.  
Et d'aduantage oublier il ne fault,  
Que le pulpitre en façon d'eschaffault,  
Ou le Royal throsne fut lors dressé,  
De fleurs de lis estoit tout tapissé,  
Sur ung ueloux violet bien choisi  
Tres excellent azuré cramoyssi.

Et du parterre autant dire i'en puis.  
Les accouldouers, barrieres & appuis  
De la montée, aussi sont decorez  
De broderie, & richement parez  
En tous endroictz: brief, rien n'y fut obmis:  
Aussi Babou la main y auoit mis.

Or de Iuilet le iour uingt & cinquiesme,  
La chaleur fut uehemente & extreme,  
Tant que l'on peut facilement cognoistre,  
Le clair Phebus y uouloir comparoistre:  
Car en son cercle il s'arresta tout court,  
Pour contempler & le Roy & sa court.  
Le Roy uoulant faire à Reims son entrée,  
L'affection du peuple s'est monstree:  
Petis & grans y sont de toutes partz.  
L'artillerie est dessus les rempartz,



## LE SACRE DV

Qui faict du bruiet assez pour estonner,  
 Mars s'il uenoit quelque assault nous donner.  
 Les gens d'eglise en leur procession,  
 Sacrifians par intercession,  
 A la grand court celeste & principale,  
 Ont decoré ceste entrée Royale:  
 N'esparagnans rien les nobles citoyens,  
 Pour inuenter & trouuer les moyens  
 De satisfaire à si noble assemblée:  
 Et point ne fut ceste feste troublée  
 D'aucun ennuy, de noise, ny discorde,  
 Mais chascun tend à un but & s'accorde,  
 En souhaittant au Roy tousiours uictoire,  
 Et de son nom eternelle memoire.

Aussi le Roy en son obeissance  
 Les a receuz: leur donnant assurance,  
 Qu'il a uouloir par tout les maintenir  
 En leurs estats: & que pour l'aduenir,  
 Tous ses subiects il fera mieulx traicter  
 Qu'ils ne pourroyent eulx mesmes soubhaicter.  
 Plus ne souuient des fortunes passées,  
 Les rues sont richement tapisées:  
 Mains beaulx chappeaulx de laurier biẽ garnis.  
 Tels qu'on les trouue au iardins d'Adonis,  
 Et mainte fleur, mainte belle ramée,  
 Y a esté espandue & semée.  
 Passeueloux, romarins, girostées  
 Que le doux uent Zephirus a soufflées.  
 Zephirus filz de la belle Aurora,

Et



## ROY HENRY II.

Et avec luy son espouse Flora,  
En ses habits de diuerse couleur,  
Feist son debuoir d'adoucir la chaleur,  
Semant par tout ses fleurs & uiolettes.  
Clairons, haultxbois, busines, & trompettes,  
Par leurs accords rendoyent telle harmonie  
Que lon pensoit ouyr la compaignie  
D'e Calliope avec ses seurs les muses,  
Par qui nous sont les sciences infuses:  
Et les oyseaulx qui parmy l'air uoloyent,  
A compaigner de leurs chantz les uoloyent.

Arcz de triumphes y furent erigez,  
Si bien construits, si proprement regez,  
Que mesmement rien n'y pourroit reprendre  
Le dieu Momus: mais y pourroit apprendre.  
Et nous sembla le spectable si beau,  
Qu'estre pensions en un monde nouueau.

En cest endroit obmettre ie n'ay garde,  
Qu'il faict bon ueoir les archiers de la garde  
En blanc & noir uestuz d'orfeuerie,  
Et d'un croissant, qui iamais ne uarie:  
Mais qui promet, que France augmentera,  
Et que le Roy par ses uertuz fera  
Son los & bruiet iusques au Ciel monter.  
Si ses couleurs i'osois interpreter,  
Et y asseoir mon petit iugement,  
Ie maintiendrois deuant tous franchement  
Que le blanc monstre une sincerité,  
Et le noir, quoy? constance & fermeté.

## LE SACRE DV

De la maison du Roy la hache au poing  
 Ont les deux centz gentilz homes grād soing,  
 De se monstrer fideles seruiteurs:  
 Et d'iceulx sont les chiefz & conducteurs  
 Soit guerre ou paix Canaples & Boysi.  
 Le Roy tresbien l'un & l'autre a choysi:  
 Car en tous lieux ou Canaples se trouue,  
 De sa prouesse il faict tresbonne prouue:  
 Et de sa part Boysi n'en faict pas moins:  
 Il n'a conduict sa troupe neantmoins:  
 Mais estant prompt de faire au Roy seruice,  
 D'escuyer grand, a icy faict l'office.

Montmorency de France Conneſtable,  
 Aimé de Dieu, aux homes agreable,  
 Plain de uertu, de prudence estoſſé,  
 Qui de fortune a desia triumphe.  
 Deuant le Roy, du Roy porte l'espée,  
 Auec maintien digne du grand Pompée.

Le Roy monté suz un gentil cheual,  
 Aussi adroict que fut onc Bucephal,  
 Et trop plus beau qu'on ne scauroit pourtraire:  
 Le Roy uoulant à son peuple complaire,  
 Dessoubz son poille orné trefrichement,  
 Se monstre Roy à son accoustrement:  
 Mais beaucoup plus par une maiesté,  
 Ou l'on peult ueoir les traictz de Royaulté:  
 Comme lon ueoit luire autour de sa face,  
 Les clairs rayons d'une facunde & grace,  
 D'une nature, & doulceur tant benigne,

Qu'elle



ROY HENRY II.

*Qu'elle est trop moins humaine que diuine.*

*L'oncle du Roy, le Roy des Nauarrois,  
Roy tresillustre, estimé de tous Roys,  
En magnifique & Royal appareil,  
Suyuoit le Roy qui n'a point de pareil.*

*Vendosme y est, Vendosme tresaimé,  
De nostre Roy, & par tout renommé,  
Pour un César aux actes belliqueux,  
Et Anguyan son frere est avec eulx,  
H à l'autre est mort! mais cestuicy produict  
La belle fleur, dont nous uerrons le fruit  
Recompenser telle perte & dommage.*

*Montpensier Duc de Royal parentage,  
Lequel n'est moins saige que uertueux,  
Y assista en habit sumptueux.*

*Le Duc de Guise, un second Achilles  
Aussi hardy que fut oncq' Hercules,  
Y tient son renc, suyui du Duc d'Aumalle,  
Qui a gagné ceste faueur Royale  
Par ses uertuz, & non point par fortune,  
Louenge a peu d'aultres Princes commune:  
Et pour certain comme un Hector de Troye,  
En un combat il rompt tout & fouldroye,  
Et en conseil par sagesse & prudence,  
A preuenu la longue experience.*

*Doibs ie laisser de Neuers le seigneur,  
Et Duc trespieux lequel est gouuerneur  
De la Champaigne, & en magnificence,  
Adecoré l'acte de sa presence?*

## LE SACRE DV

Ne doibs ie pas en termes tres exquis,  
 Icy nommer de Mayne le Marquis:  
 Et saint André de France Mareschal,  
 Qui est au Roy seruiteur si feal,  
 Et si prudent, que la longueur de l'aage  
 Peu y scauroit adiouster d'aduantage:  
 Et c'est pourquoy autour de sa personne,  
 Le Roy HENRY si bon credit luy donne.

La Marche aussi Mareschal tresuaillant,  
 Qui s'est monstré tousiours en bataillant  
 Pour acquerir louenges immortelles,  
 Imitateur des uertuz paternelles,  
 En tresbon ordre accompagne son maistre.  
 Maintz cheualiers de l'ordre font cognoistre  
 Leur zele grand & leur deuotion,  
 Desquels ne doibs faire aultre mention.  
 Ils sont assez congneuz & estimez,  
 Et si aucuns ne sont icy nommez,  
 Leur los & bruiet n'en sera moins illustre,  
 Car la uertu ne demande aucun lustre:  
 Cherchant en soy par acte meritoire  
 Des dieux la grace, & des homes la gloire.

Si ne fault il oublier sur cecy,  
 Deux cheualiers Chastillon & Stroßy,  
 Faiets par le Roy: deux cheualiers insignes,  
 Et que chacun estime estre tresdignes  
 De tel honneur fondé sur leurs uertuz.

Tous ces seigneurs pompeusement uestuz  
 Suyuent le Roy: & se trouue maint Comte,

Plusieurs



## ROY HENRY II.

*Plusieurs Barons, desquels lon faiçt grand compte:  
Tous bien en ordre, & selon l'exigence,  
De leurs degrez gardent leur preference.*

*Mais sur ce poinçt pour ne me desuoyer,  
Il est saison desormais renuoyer  
En Helicon les Muses poëtiques,  
Fables ne ueulx, nouuelles ny antiques:  
Ains me conuient en matiere si saincte,  
Vous inuoyer d'affection non faincte,  
O seigneur Dieu, qui les Roys gouuernez,  
Et par sur nous, puissance leur donnez,  
A celle fin que par uous ma pensèe,  
Auec la plume & la main soit dressée.*

*En ceste pompe, & ordonnance exquise,  
Auec triumphe au portail de l'eglise,  
Le Roy HENRY tost apres arrina,  
Ou l'Archeuesque & Duc de Reims trouua,  
Accompaigné des prelatz qui ont tiltre,  
De Pers d'eglise, auecques son chappitre  
Et suffragans, Euesques principaulx,  
Tous reuestuz d'habitz pontificaulx.  
Il se prosterne humblement à genoulx,  
Et l'euangile il baisa deuant nous,  
Voulant icy presenter par raison,  
Deuotement à Dieu son oraison.*

*Le derselet, drap de pied, les carreaulx  
De cramoyssi estoient riches & beaulx:  
Puis l'Archeuesque auec grand reuerence,  
Facond maintien, & diuine eloquence,*

Ceste oraison prononga, que i'estime  
 Plus elegante en sa prose qu'en rithme.  
 L'antiquité, Sire, tant estimable,  
 A bien prescript par coustume louable  
 Vne harengue & certaine oraison,  
 A un subiect lequel en sa maison  
 P eult recepuoir tant de bien & d'honneur,  
 Que ueoir son Roy & souuerain seigneur,  
 Pour luy monstrier qu'il se ueult resiouir  
 De la faueur dont il se sent iouir.  
 Et luy rendant de graces action,  
 Luy presenter de pure affection,  
 Cueur, corps, & biens. Mais moy des mon enfance,  
 Qui ay uoué à uostre obeissance  
 Et seruitute entiere corps & biens,  
 Avec le cueur & de moy & des miens:  
 Ayant l'honneur, que de uous i'ay esté,  
 Comme uoz biens tesmoignent, accepté:  
 Moy qui ne suis, ne ueulx & ne puis estre,  
 Rien que par uous, mon Roy, seigneur & maistre.  
 Certainement ie ne trouue rien Sire,  
 Qu'une redicte, en tout ce commun dire:  
 Car ce seroit offrir ce que scauez  
 Estre tout uostre: & ce que uous auez.  
 Qui me contrainct changer la rhetorique,  
 De la façon ordinaire & antique:  
 Et en choisir une tant au contraire,  
 Que desirant au debuoir satisfaire,  
 En lieu d'offrir, en lieu de presenter,



# ROY HENRY II.

Ie ne me ueulx, Sire, tant arrester,  
A la grandeur de la debte tresgrande,  
Que ie ne uienne à nouuelle demande.

Puis qu'ainsi est, Sire, qu'il plaist à Dieu,  
De qui saint Paul testifie en mainct lieu,  
Toute puissance & haulte maiesté,  
A uoir son estre, & toute dignité.  
Toute ie dy, spécialement celle  
Des plus grans Roys, qui les aultres precelle.  
Puis qu'il luy plaist que tout le maniement  
De ce Royaume, & le gouuernement  
Vous soit commis: & uous donnant les tiltres  
De Christ & Roy, ueult que par ses ministres  
Sacre soyiez: & par sa grand' bonté,  
Vous laisse un nom, que son fils a porté:  
Son fils saulueur, unique des humains,  
Puis qu'il luy plaist nous mettre entre uoz mains:  
Ce que requiers pour la premiere instance,  
Est que tousiours uous ayez souuenance,  
Que Dieu uous a cree uaisseau d'honneur:  
Et luy qui est de tous biens le donneur,  
Veult que de uous en lieu treshonorable,  
Il soit seruy: & est bien conuenable  
Que uous puissiez parfaictement cognoistre  
De quelle race, & sang uous a faict naistre.  
Il n'en est point de plus noble en ce monde,  
Mais qui plus est, & ou plus ie me fonde,  
C'est qu'il uous a selon sa sainte loy,  
Et sa parolle esleu pour nostre Roy.



## LE SACRE DV

I e dis esleu du nombre de uoz freres,  
 Signe euident de choses tresprouues,  
 Signe euident de la uocation.  
 Il uous fault doncq en chascune action  
 De ses biensfaicts auoir recognoissance,  
 Et luy porter parfaicte obeissance:  
 Vous conduisant avec amour & craincte  
 Selon sa loy & uolunté tressaincte:  
 Referant tout à son honneur & gloire,  
 Ce que tousiours reduysant à memoire  
 Vous cognoistrez, que uous uous cognoissez,  
 Qui est beaucoup: mais ce n'est pas assez,  
 Voz bons subiects, cognoistre restera,  
 Entre lesquels l'eglise ne sera  
 Mise en oubly: car c'est celle qui tient  
 Le premier lieu, & les Roys entretient  
 Avec iustice, en leur haulte puissance,  
 Dont ne uous puis faire aultre remonstrance,  
 Que le docteur saint Ambrois en effect,  
 A l'Empereur Valentinian faict.  
 C'est qui n'est rien, Sire, plus estimé,  
 Que d'estre enfant de l'eglise nommé:  
 Et ne scauriez plus hault uous exalter  
 Que ce beau nom, & tiltre meriter:  
 Considerant qu'un bon Roy quoy qu'il face,  
 Dedans icelle, & non dessus a place.  
 C'est celle la pour laquelle garder,  
 Voz anciens n'ont voulu regarder  
 Aux grandstrauauls & merueilleux dangiers,  
Qu'ils



Qu'ils ont soufferts contre les estrangiers,  
 C'est celle la dont la protection  
 Vous ont laissée avec possession  
 De tant de biens, en son nom doncq icy,  
 Et des seigneurs mes freres en cecy  
 Je vous requiers, Sire, treshumblement  
 De noz trouppes uouloir totalement  
 Chasser les loups, ignorans heretiques,  
 Et mal sentans de la foy, scismatiques,  
 Qui d'auec elle ont voulu departir:  
 Vous suppliant uostre grace impartir.  
 Car en cela, & tous aultres affaires  
 Que nous uoyons dignes & necessaires,  
 Estans de uous, Sire, fauorisez,  
 De tous serons reuerz & prisez.  
 Vous plaise doncq en nos immunitiez  
 Nous maintenir, & en noz libertiez.

Si Pharaon qui fut Roy tresinique,  
 Ainsi qu'on list en histoire autentique,  
 A maintenu la terre de l'eglise,  
 En seureté & totale franchise.  
 Il y a bien occasion plus iuste,  
 Soubs Henry Roy, treschrestien, tresauguste,  
 Qui na le cueur sinon aux choses bonnes,  
 Que soyons francs, en noz biens & personnes.

Surquoy pourrois m'estendre d'aduentage,  
 Mais insister ne ueulx en ce passage,  
 Pour n'estre dict, ou par trop ennuyeux  
 Ou uehement, & par trop curieux,



En ce qui peult noz affaires toucher.  
 I'acheueray sur ce qui m'est plus cher,  
 Ramentenant l'estat du populaire.  
 De la noblesse aussi ne me ueulx taire:  
 Elle n'est moins uillante qu'invincible.  
 Et quand au peuple, il ne seroit possible,  
 Trouuer ailleurs plus grand' subiection,  
 Plus seure foy, plus ferme affection  
 Enuers son Roy. Doncques uous cognoissant  
 Roy & seigneur d'un peuple obeissant,  
 D'un peuple fort, & qui n'a aultre enuie  
 Que hazarder & son bien & sa uie,  
 Ou il uous plaist pour uous faire seruice.  
 Recullez uous du regne plain de uice,  
 Dont nostre Dieu son peuple menassa  
 Par Samuel, quant il le delassa.  
 Vostre bon sens, vostre hault cueur s'applique  
 A bien regir vostre chose publique  
 Selon iustice: afin qu'elle uous sente,  
 Aussi bon Roy qu'elle est obeissante.  
 Voyla qu'en lieu de l'offre accoustumé,  
 Vous requerir, Sire, i'ay estimé  
 N'estre pas moins nécessaire qu'honneste,  
 Pour la matiere est courte ma requeste,  
 Et longue aussi pour le temps & loysir.  
 Mais si c'estoit, Sire, vostre plaisir,  
 Qu'elle me fust de par uous accordée  
 Comme i'espere, & comme elle est fondée  
 Sur la raison: uous cognoistriez combien

Deuez



## ROY HENRY II.

Deuez à Dieu de qui uient uostre bien:  
 Vous cognoistriez ce qu'aux homes deuez,  
 Et quel fardeau maintenant recepuez:  
 Parquoy seroit uostre eglise purgée,  
 La pauureté du peuple soullagée,  
 Et se pourroit noblesse entretenir  
 En son entier: & afin de finir  
 Auec saint Paul, si heureux uous serez,  
 Que uoz subiects auec uous saulueriez.

Tout ce discours en son cueur imprima,  
 Le ieune Roy, & tant plus il ayma  
 Ce bon pasteur, que plus il a esté  
 Prompt & enclin à dire uerité,  
 Poissant le tout à la iuste balance:  
 Puis en brieufs mots, mais de grande substance  
 A respondu: Il est facile à ueoir  
 Qu'auetz tresbien maintenant faict debuoir  
 De bon prelat, & de bon orateur,  
 M'admonestant ainsi qu'un uray pasteur  
 De mon office enuers Dieu & le monde,  
 Et me monstrant auec grande faconde,  
 Quelle est la charge à un bon Roy commise  
 Vers la noblesse, & le peuple, & l'eglise.  
 Enquoy ie suis deliberé de suyure  
 Vostre conseil, & totalement uiure  
 Selon la loy dont le tiltre ie porte,  
 Me confiant que Dieu tiendra main forte  
 Pour la conduicte, & de moy & des miens:  
 Car Dieu iamais n'abandonne les siens.

En luy i'espere, & m'attens qu'il me donne,  
 L'entier effect de sa uolunté bonne  
 A son honneur: comme au soullagement  
 De mes subiects, & au contentement  
 Des estrangiers, en me faisant cognoistre  
 Ce que ie suis, & ce que ie doibs estre.  
 Il m'a faict Roy: uoyre Roy treschrestien,  
 Mon Roy l'aduoue, & mon Roy ie le tien:  
 Et si ie puis par sa grace luy plaire,  
 Bien ie pourray aux homes satisfaire.

Ayant le Roy sa responce finie,  
 Qui contenta toute la compagnie,  
 Par l'Archeuesque a esté introduict  
 Dedans l'eglise: & à dextre conduict  
 Du Cardinal de Giury: uenerable  
 Euesque & Duc de Langres tresnotable:  
 Et à cela droict & raison consent,  
 De Laon l'Euesque estant pour lors absent,  
 Qui Cardinal de Bourbon est nommé,  
 Du sang Royal, Prince tresestimé.

Le Cardinal de Chastillon tressaige,  
 Et trescauant, & lequel en ieune aage  
 Par sa uertu a bien merité d'estre  
 Hault esleué, tient le costé senestre,  
 Car de Beauuais il est Euesque & Comte.

Impossible est qu'en mes uers ie racompte,  
 Le grand plaisir qu'eut toute l'assistance.  
 De peuple y eut merueilleuse affluence,  
 Donnant au Roy bruiet & los immortel.



## ROY HENRY II.

Ces deux prelatz, iusques au grand autel  
L'ont amené: & à genoulx s'est mis,  
Et à prier le seigneur s'est remis:  
Sachant qu'il est de tout à luy tenu,  
Et qu'il ne peult estre icy maintenu  
En si hault lieu quelque chose qu'il face,  
Sinon par luy, & moyennant sa grace.

Ses deux carreaulx sont de drap d'or frizé:  
Mais se leuant l'autel il a baisé,  
Offrant au temple un tresbeau reliquaire.  
De riche agathe, on auoit faict pourtraire,  
De Iesuchrist la resurreccion:  
Et ceste offrande & belle oblation  
D'un or tresfin richement accoustrée,  
Reueremment au Roy administrée,  
Fut par le Roy de Nauarre & fault croire  
Qu'a la main dextre y eut un oratoire  
Tresbien paré, & tendu proprement  
Ou il ouit uespres deuotement,  
Officiant l'Archeuesque de Reims.  
Dieu qui esprouue & noz cueurs & noz reins,  
Son oraison puisse auoir agreable.

Ce faict le Roy sur tous Roys honorable,  
Vint au palais Archiepiscopal:  
Ayant tousiours pour son but principal  
Deuant les yeulx: ce hault & saint mystere  
Car l'unction est au Roy salutaire,  
Si au dedans il ensuit par foy pure,  
Ce qu'au dehors denote la figure:

## LE SACRE DV

S aül fut oingt: oingt fut le Roy David,  
 Et Salomon son fils qui ensuyuit  
 La loy de Dieu: & receut grand largesse  
 De sapience & diuine sagesse.  
 Les Roys sont oingts, les prebstres & prophetes,  
 Et pour certain les choses ainsi faictes  
 Ne sont en uain, & sans grande importance:  
 D'autant qu'un Roy doit auoir habondance  
 Des dons de grace: & la sainte unction,  
 Doibt arrouser du Roy l'affection,  
 Pour ce qu'en terre il est de Dieu l'image.  
 Que scauroit il desirer d'aduentage?  
 Oindre le fault de l'huile de clemence,  
 Armer de force & uraye intelligence,  
 A celle fin que par bonne pollice  
 Il puisse unir douceur avec iustice,  
 Et que les siens en office maintienne  
 Cherchant de Dieu la gloire & non la sienne:  
 Ce que du Roy HENRY chascun espere,  
 Lequel sachant que nul Roy ne prospere,  
 Si de seruir à Dieu ne luy souuient.  
 Apres soupper en l'eglise reuiet,  
 Pour satisfaire à sa deuotion.  
 De ses pechez il feist confession,  
 Et preparant au saint esprit la place,  
 Il demoura une assez longue espace  
 En oraison. estant sous une tente  
 Et pauillon de ueloux, dont la fente  
 En maints endroicts auoit une pareure

D'orfe-



## ROY HENRY II.

D'orfeuerie & de riche brodeure.  
Et sont du Roy les gardes fort soigneuses  
De bien garder choses si precieuses,  
Dont est par tout le temple decoré.  
En son palais le Roy s'est retiré  
Prendre repos: & le iour ensuyuant,  
C'est fut le iour que le seul Dieu uiuant  
A commandé & uoulu qu'on procede  
Au sacre heureux, du Roy qui tous excède:  
Non en puissance & force seulement,  
Mais en uertuz, iustice & iugement.  
Et ce iour mesme au matin il ordonne,  
Quatre barons d'aupres de sa personne  
Afin d'aller à saint Remy querir  
La sainte Ampolle, & l'Abbé requerir  
De l'apporter: s'obligeans de la rendre:  
Ce qui fut faict, & icy fault entendre,  
Qu'ils ont mené la blanche hacquenée,  
Qui pour l'abbé porter est destinée.  
En observant du tout les statuts uieulx,  
Montmorency, & la Trimouille, & Rieux,  
Et cil qui est de Martigues Vicomte,  
Furent nommez: si ie ne garde au compte,  
L'ordre requis l'exigence du mestre  
Souuent contrainct l'un deuant l'autre mettre,  
Sans desroguer en aucune maniere  
A leurs honneurs: on porte une baniere  
Deuant chascun d'entre eulx, ou sont pourtraictes  
Et leurs couleurs, & leurs armes bien faictes.

Le grand Prieur de l'abbaye porte  
 La sainte Ampolle: & aussi la rapporte,  
 Estant l'Abbé lors absent de la court,  
 Le Cardinal nommé de Lenoncourt.

Et à cela fut un poille ordonné,  
 De damas blanc à fleur d'or bien orné.

Incontinent apres le partement  
 De ces seigneurs & barons, promptement  
 Les trois Pers Ducs, & trois Pers Comtes, lais,  
 En leurs habits sont partiz du palais:  
 Mais quels habits? habits tresmagnifiques,  
 Jusqu'à my iambe ils auoyent leurs tunique,  
 Et par dessus l'epitoge & mantel:  
 Beau faisoit ueoir un accoustrement tel.  
 Qui fut de sarge: à fin que l'on entende,  
 Qu'au temps passé des François fut tresgrande  
 La modestie, & la sobrieté:  
 Si elle estoit telle qu'elle a esté,  
 Iamais n'aurions disette ny souffrance,  
 Et le surplus du monde seroit France.

La sarge doncq estoit de uiolet,  
 En escarlatte: avec un rond collet  
 Qui fut fourré d'hermines mouchettées,  
 Plus belles oncq ne furent achaptées.  
 Aussi les Pers marchoyent la teste nue,  
 Et la raison en est assez congneue:  
 Car c'est exemple aux petits de porter,  
 Honneur au Roy, lequel fault redoubter,  
 Comme celluy qui résiste aux peruers,



## ROY HENRY II.

A yme les bons. uray est que les trois Pers  
Qui estoient Ducs d'or auoyent un chapeau,  
Dessus la teste, & tresriche & tresbeau.

Cil que le Roy de Nauarre portoit,  
Plus eminent que les aultres estoit.

Et pour monstrier d'entre eulx la difference,

Les Comtes Pers, avec moindre apparence

Cercles portoyent d'or fin: ou i'ay compté

De pierrerie une grand' quantité,

Dont la ualeur estoit inestimable.

Les chapeaulx sont estoffez en semblable.

Grande richesse y auoit au dessus

De leurs manteaulx: limbes, boutons tissus

Sont tous luisans d'estoffe & d'artifice.

Que fault il plus? chascun faict son office.

Les Pers ainsi uestuz & accoustrez,

Incontinent sont en l'eglise entrez,

Ou ont trouuè celluy qui presidoit

Au Royal sacre, & presider y doibt,

Enuironné de ceulx de son chappitre,

Et avec luy les Pers qui portent mitre,

Sur une selle assis au costé dextre,

Langres premier: Laon premier debuoit estre,

Et au plus pres de l'autel se feust mis

Si maladie alors luy eust permis:

Beauuais estoit second: Noyon troisieme,

Et monseigneur de Xaintes le quatrieme,

Qui a celluy de Laon représenté.

Mais si Chaalons present y eust esté,

## LE SACRE DV ROY

A tresbon droict ce lieu il eust tenu,  
 Et au cinquiesme à esté maintenu,  
 Y assistant pour luy monsieur de Troye,  
 Qui d'estre grand en brief à pris la uoye.

Sur l'autre forme & longue selle estoient,  
 D'autre costé ceulx qui representoyent  
 Les Pers absens: de Nauarre le Roy,  
 Est pour Bourgongne en magnifique arroy.

Vendosme Prince, il fault que ie le die,  
 A nul second, y est pour Normandie.

L'une des fleurs de la maison Lorraine,  
 Le Duc de Guise y est pour Aquitaine.

Neuers aussi, qui aux grands honneurs monte,  
 Representoit de Toulouse le Comte.

Et Montpensier pour Flandres est receu,  
 Semblablement Aumalle à tresbien sceu  
 Represente le Comte de Champaigne.

Le Duc de Reims, Archeuesque accompaigne,  
 Les unze Pers: car il est Per luymesme,  
 Comme l'on scait: & faisant le douziesme  
 Est en sa chaize assis le dos tourné

Contre l'autel: puis ensemble ont donné  
 Tous leurs aduis, que deux des principaulx  
 Langres, Beauuais, Euesques, Cardinaulx.

Iront querir le Roy: ce qu'ilz ont faict,  
 Et sont partis de l'eglise en effect,

Accompaignez des chanoines, uicaires  
 Et chappellains, avec les reliquaires,

Et les deux croix, qui en procession,  
 Vont



V ont deuant eulx en grand deuotion:  
Et sont entrez en la chambre Royale,  
Pour accomplir leur charge principale.

Il n'est besoing cy endroit que ie soye  
Fort empesché à dire que la soye  
Et le fin or, l'or precieux & cher  
Réluiſt par tout, mesmes sur le plancher,  
Qui est foncé de fleurs de lis assises  
Sur satin bleu azuré, tresexquises:  
Et plusieurs croix d'une toille argentine  
Sur cramoyſi. le liēt & la courtine  
Le ders auſſi deſſus la cheminée  
A broderie, ou ſi bien ordonnée  
Eſt la façon au doſſier fons & pentes  
Qu'il n'y a rien que choſes excellentes.  
Le liēt couuert d'un grand drap de damas  
D'or fin ſur ſoye, & trainnoit iuſqu'en bas,  
De tous coſtéz. ſur ce beau liēt couché  
Eſtoit le Roy: & ſe monſtrant touché  
D'ardent deſir, que la ceremonie  
Du ſacre ſoit, de tous ſes poincts garnie:  
Et meſmement en ce qui concerner  
Peult tant d'honneur, qu'à Dieu il doibt donner,  
Sans y laiſſer choſe qui ſoit requiſe.

Il fut ueſtu d'une riche chemiſe,  
Telle pour uray qu'à un tel Roy fut deue,  
Et au derriere & deuant fut fendue:  
Et par deſſus la camiſole auoit  
Auſſi fendue: & eſtre le deuoit,

# LE SACRE DV

Pour receuoir l'unction tressacrée.  
 Sa robe estoit dignement accoustrée  
 Faicte en façon d'une robe de nuit:  
 Et d'une frize ou l'argent clair reluit,  
 Mainte esmeraulde en singularité,  
 Par le collet & manches a esté  
 Sur or assise en chattons bien taillez,  
 De rouge cler, proprement esmaislez.  
 Quant ces prelates le Roy ont apperceu  
 Dessus son liect, chascun d'eulx à conceu  
 En son esprit, un plaisir incroyable,  
 Faisant l'office à tel acte sortable,  
 Et ont chanté de uoix & de pensée  
 Vne oraison, qu'a Dieu ont adressée,  
 En le priant disposer tellement  
 Le cueur du Roy au bon gouuernement.  
 De tout son peuple, & à tranquillité  
 Qu'il ayt tousiours le droict & uerité  
 Deuant les yeulx: puis Langres à la dextre  
 Reueremment, & Beauuais à senestre,  
 Baisans leurs mains, le Roy ont soubs leué:  
 Et de dessus son liect ils l'ont leué:  
 Puis l'ont conduict à l'eglise, en chantant  
 Maint beau uerset, & le nom exaltant  
 Du seigneur Dieu, qui ennemy sera  
 Des ennemis du Roy: & enuoyra  
 Son ange saint, par qui sera uengé,  
 Persecutant ceulx qui l'ont affligé.

Deuant le Roy marchoit le Connestable,

Trespieux



## ROY HENRY II.

*Tresproux en guerre, en conseil tresfeable:  
L'espée nue, espée de uertu,  
D'une tunique & mantel est uestu:  
Vn cercle aussi sus la teste, en la sorte  
Que le portoyent les Comtes Pers, il porte.*

*Apres le Roy marchoit le chancelier,  
Qui non sans cause a le nom d'Oliuier:  
Car de iustice il a produict l'oline,  
Prompte à douceur, & à rigueur tardine:  
Il marchoit seul, avec la grauité,  
Tresbien seante à son autorité.*

*Son epitoge estant fourré d'hermines,  
Fut d'escarlade en rouge des plus fines,  
Et son mortier de Chancelier ausy,  
Ne fut obmis en ce mistere cy.*

*Le mareschal saint André suit apres,  
Le petit Duc de Longueuille aupres  
Grand Chambellan au dextre costé marche:  
Le Mareschal surnommé de la Marche  
Fut à senestre: & saint André le lieu  
Tint de grand maistre, & fut mis au milieu.*

*Aussi la Marche en ce Royal seruice,  
De Chambellan premier a faict l'office,  
Habituez tous deux & reuestuz,  
Comme les Pers Comtes furent uestuz:  
Et Longueuille en habit se tenoit,  
Comme Per Duc: & luy appartenoit.*

*Lors qu'en l'eglise ils furent arriuez,  
Après auoir tous les poincts obseruez,*

## LE SACRE DV

*Qui sont de droict ou coustume introduicts:*  
*Car à cela ils estoient tous bien diuicts.*  
*Ayant le Roy acheué par raison,*  
*Deuant le grand autel son oraison,*  
*Les Cardinaulx dessus dicts l'ont mené*  
*De dans sa chaize, & siege bien orné,*  
*Lequel estoit uis a uis de celluy*  
*De l'Archeuesque, & entre deux l'appuy*  
*D'un oratoire, ou le Roy se mettoit*  
*A deux genoux quand la cause y estoit.*

*Derriere luy y eut un escabeau*  
*Carré, couuert de drap d'or raz très beau,*  
*Sur lequel fut assis le Connestable,*  
*Sans son espée: & est chose notable:*  
*Car il s'en est deffaict, pour celle prendre*  
*Qui doit servir au sacre sans mesprendre.*  
*Dessus ung aultre escabeau fut assis,*  
*Le chancelier tressaige & tressassis,*  
*Et plus arriere au dessoubz y auoit*  
*Vne grand' selle, ou trois seigneurs lon ueoit*  
*De grand renom, saint André deuant dict,*  
*Qui par uertu uers le Roy ha credit,*  
*Fut au milieu, Longueuille à la dextre,*  
*Le Mareschal de la Marche à senestre.*

*Au costé droict du grand autel fut mise,*  
*Vne aultre selle, ou tous les Pers d'eglise*  
*Estoyent assis: & derriere eulx la chaize,*  
*Ou du saint pere, & bon Pape Frenaise*  
*Fut le legat, qui saint George se nomme,*



## ROY HENRY II.

Fort estimé icy & dedans Rome.  
 Son caudataire à ses pieds, & celluy  
 Qui sa croix porte est au deuant de luy,  
 A uec l'habit à son estat conforme.  
 A u mesmes renc, sur une longue forme  
 Fut du Bellay, Cardinal uertueulx.  
 Mais ie ne suis sôt si presumptueux,  
 De luy uouloir icy donner louenge:  
 Cela de moy se trouueroit estrange.

Meudon aussi Cardinal y eut place,  
 Et celluy la que nul aultre ne passe,  
 Qui est cogneu au nom de Cardinal,  
 Des Cardinaulx tint le lieu principal:  
 C'est de Lorraine en tous actes en somme,  
 Se demonstrent quelque chose plus qu'homme.

Et puis celluy qui de prudence rare,  
 Est ennobly, Cardinal de Ferrare,  
 A upres de luy le lieu & degré tient,  
 Qui à sa race & à luy appartient.  
 Et chacun d'eulx son caudataire auoit,  
 Qui bien seruir en tel acte scauoit.

Puis au derriere estoyent maints Archeuesques,  
 Dignes d'honneur, & grand nombre d'Euesques,  
 Entre lesquels se doit mettre en auant  
 Mascon, qui n'est moins saige que scauant,  
 C'est du Chastel: son nom sera cogneu  
 Par tout le monde: & plus grand maintenu,  
 Que tout credit, & aultre dignité.

Ioignant iceulx, de ce mesme costé,



## LE SACRE DV

Deux eschasfaulx sont entre deux piliers  
 Tresbien parez de tappis singuliers:  
 En l'un estoyent dames & damoiselles  
 De grand maison: non moins riches que belles:  
 Et au plus hault la Royne & les Princesses,  
 Qui nous sembloient non dames, mais deesses.  
 Mesmes la Royne est claire de uisaige  
 Comme l'Aurore, & un poinct d'auentaige:  
 Car le soleil Royal qui estincelle  
 De toutes pars la rend beaucoup plus belle.

Madame ausy qui est la fille unique  
 Du Roy Francois, & du tresmagnifique  
 HENRY second la seur treshonorée,  
 Est pres la Royne en son renc demourée,  
 Digne d'un Roy mary, ou Empereur:  
 Et si fortune en ce ne faict erreur,  
 Vn Empereur, ou Roy l'espousera,  
 Qui tresheureux de l'espouser sera.

Pourquoy n'y est l'autre Royne sa tente,  
 L'autre Pallas, pour la rendre contente,  
 Et luy oster le regret qui la poinct?  
 Ne scay pourquoy maintenant ny est point,  
 Mais ie scay bien quelque part qu'elle soit.  
 Qu'un grand plaisir dedans son cueur recoit,  
 De ueoir son frere en sa posterité:  
 Vivant au Ciel, icy ressuscité.

Ie ne ueulx pas, ny doibs toutes nommer,  
 Celles qui sont par tout à estimer,  
 Qui de beaulté & de uertu pourueues,



## ROY HENRY II.

Ont ueu le sacre, & y ont esté ueuës:  
 Car ie pourrois faire trop long discours,  
 Et en la court meilleurs sont les plus cours.  
 Si ne fault il qu'en arriere ie laisse,  
 La fleur d'honneur, de Guise la Duchesse,  
 Du sang Royal tresheureusement née,  
 Mais plus heureuse en mary & lignée.  
 Sainct Paul la suit, saint Paul dame excellente,  
 Qui d'auoir mieulx na plus aucune attente.

Et celle la qui en la court Royale,  
 Est en faueur la grande Seneschalle,  
 Doibt elle pas icy le renc tenir,  
 Ou par uertu on la ueoit paruenir?  
 Rendant le ciel plus clair par sa clarté  
 La court plus belle aussi par sa beaulté  
 Tenant le monde en admiration?

Mais ie retourne à ma narration.  
 A main senestre estoyent plusieurs grans Princes,  
 Mains cheualiers gouuerneurs de prouinces,  
 Ambassadeurs de Roys & potentats  
 Qui ont uouloir de garder leurs estats,  
 Mesmes celluy du Pape y est expres,  
 Et l'Empereur à le sien tout aupres.  
 Celluy du Roy d'Angleterre y estoit,  
 Celluy d'Escosse en son renc asistoit  
 Auecques ceulx de Ferrare & Venise:  
 Chacun desquels merueilleusement prise,  
 Non seulement des François la noblesse,  
 Le grand triumphe & la pompe & Richesse,

## LE SACRE DV

*Qui se peult ueoir en ceste compaignie:  
 Mais l'ordre bon, de la ceremonie  
 Si excellente, & tant digne, & tant belle,  
 Qu'entre Chrestiens il n'en est point de telle,  
 Ne qui soit mieulx gardée & maintenue.*

*Monfieur de Reims attendant la uenue,  
 De ceulx qui ont la sainte Ampolle en garde,  
 Deuotement aux oraisons regarde,  
 Qu'on doibt chanter en ce sacre Royal,  
 N'oubliant rien du ceremonial,  
 A insi qu'il est de tout temps ordonné,  
 Et quant le chœur dict Tierce, il a donné,  
 De l'eau benoïste au Roy en souuenance  
 Du saint Baptisme, & à la circonstance.*

*Le grand Prieur de saint Remy qui porte  
 La sainte Ampolle arriuant à la porte  
 De ceste eglise, il trouue comme il doibt  
 Le grand pasteur de Reims qui l'atendoit,  
 Et la receuë avec foy & promesse,  
 La restablir & rendre apres la messe,  
 Estant le sacre acheuë & parfait,  
 Ce que depuis pour certain il a fait:  
 Et retournant à l'autel fut suyui  
 De ce Prieur: qui au sacre a seruy  
 Comme tesmoing de ce qui se feroit.  
 Et ce pendant le bon Roy reueroit  
 La sainte Ampolle: & quand elle arrina,  
 Incontinent du siege se leua  
 Ou il estoit: donnant en ce saint temple,*

D'hu-



D'humilité à tous parfaict exemple.  
 Surquoy monsieur de Reims s'est retiré  
 A u reuestiere, & au lieu préparé,  
 O u fut ce prince & prelat de uertu  
 D e ses habits pontificaulx uestu,  
 P our dire messe: & recoit ce bon heur,  
 Que de sa chaize en luy faisant honneur  
 L e Roy se leue: & alors l'approcha,  
 E t tous les poincts principaulx luy toucha,  
 Qu'un tel Roy doibt entendre & obseruer,  
 N on seulement pour l'estat conseruer  
 D e sa grandeur, mais l'augmenter & croistre,  
 E n luy faisant instance de cognoistre  
 Qu'il doibt garder l'eglise, & maintenir  
 E n union & ses droicts soubstenir  
 Selon raison, & iustice equitable,  
 C e qu'il promist en foy de Roy feable.

E t lors il fut de sa chaize esleué,  
 E t par Beauuais & Langres soubслеué:  
 Lesquels estans debout font contenance,  
 D e demander au peuple & circonstance,  
 S'ils l'acceptoyent pour Roy: & promptement  
 Comme du peuple eu le consentement.  
 L e Roy à faict deuant Dieu sur l'autel,  
 V ne promesse & serment solennel  
 Que font les Roys de France treshumains  
 Sur l'euangile il a mis les deux mains,  
 E t a promis au nom de Iesuschrist,  
 L isant le texte ainsi qu'il est escript

Et contenu en la phrase latine,  
 La prononçant d'une uoix argentine  
 Et d'un accent si propre, qu'il nous doibt  
 Certifier que tresbien l'entendoit.

Il a iuré qu'a son pouuoir fera  
 Que tout son peuple aux loix obeira  
 De sainte eglise: & tousiours desormais  
 Procurera la concorde & la paix,  
 Et la iustice, en sorte qu'heresie  
 Et auarice, & faulce hypocrisie  
 De ses pais puisse estre exterminée,  
 Dont gloire à Dieu tellement soit donnée,  
 Qu'au Roy HENRY & aux siens il accorde,  
 Gouster les fruiets de sa misericorde,  
 Monstrant qu'il est sur le peuple appaisé.

Le Roy apres l'euangile a baise,  
 Signifiant que sa foy maintiendra  
 Et de sa part tousiours la main tiendra,  
 Ace qui peult l'honneur de Dieu toucher.

Pres de l'autel on la faict approcher.  
 Langres, Beauuais Euesques l'ont conduict,  
 La Marche aussi Mareschal bien instruit,  
 Comme premier Chambellan, proprement  
 L'a deuestu de son accoustrement.

Qui fut de toille argentine frizé,  
 Dont beaucoup plus est l'ouurage prise  
 Que n'est l'estoffe: & lors le Roy fut mis  
 En camisole: & ne doibt estre obmis,  
 Que pres l'autel le Commandeur estoit



## ROY HENRY II.

De saint Denis, qui au lieu se mettoit  
 Du sien Abbé: & par luy preparez  
 Sont les habits Royaulx cy declairez.  
 Et ce pendant monsieur de Reims poursuyt  
 Le seigneur Dieu affin qu'il soit induict  
 Par oraison & deuote priere  
 De repoulser les ennemis arriere  
 S'aucuns en a le Roy son seruiteur,  
 En le priant: seigneur Dieu, seul autheur,  
 De tout le monde, autheur inenarrable,  
 Qui as crée par moyen incroyable  
 Le genre humain, de toy soit fauory,  
 Le Roy qui est icy present HENRY,  
 Et luy donnant ta benediction  
 Qu'il soit receu en ta protection:  
 Sois son bouclier & baston de deffence:  
 Ordonne luy en son mal patience,  
 Et modestie en sa posterité.  
 Son peuple soit uny en charité,  
 Ferme en ta foy, en tes loix bien appris.  
 L'oraison dicte, un Prince de hault pris,  
 Qui n'a attainct encores l'aage d'homme,  
 Le petit Duc de Longueuille, comme  
 Grand Chambellan, humblement se baissa,  
 Et puis au Roy les sandales chaussa:  
 Aussi le Roy de Nauarre y estant  
 Au lieu du Duc de Bourgongne assistant,  
 Lequel au Roy les esperons boutta,  
 Incontinent apres les luy osta.



Monsieur de Reims en cest endroit beneit  
Du Roy l'espée, & puis la luy seignit,  
Estant encor au fourreau: mais soudain  
Il la reprinst, & remist en sa main,  
Et le fourreau dessus l'autel laissa,  
Puis toute nue au Roy il l'adressa,  
Qui la receut & offrit sur l'autel  
Reconnoissant que le Dieu immortel  
L'espée seul du ciel luy a transmise,  
Parquoy la prend & reçoit de l'eglise:  
Puis il la meit, comme en garde feable,  
Entre les mains de son grand Conneſtable,  
Duquel la force & uertu est congneue,  
Et deuant luy tousiours la porter nue,  
Durant cest acte à bon droict ordonna:  
Mais sur ce poinct uers l'autel se tourna,  
Monsieur de Reims, qui au Roy tant agréé,  
Pour preparer l'unction tressacrée:  
Et le calice a pris de saint Remy,  
Puis a meslé du saint cresse parmy  
L'huile sacrée, & pendant ce mistere  
Mainte oraison deuote & salutaire,  
Ainsi qu'il est de long temps ordonné  
Fut lors chantée: ou le Roy prosterné  
Tout bas deuant l'appuy de l'oratoire,  
Donne à chacun exemple meritoire,  
D'humilité, & pres de luy se trouue  
Monsieur de Reims, qui aussi en faiſt prouue,  
N'oubliant rien de la ceremonie:

D'aultres



## ROY HENRY II.

D'autres prelates chantent la letanie,  
 Et quand ils ont quasi paracheué,  
 Auec le Roy promptement s'est leué  
 Monsieur de Reims, lequel sa croce a pris  
 En la main gauche: & comme bien appris  
 A commencé de sacrer ce grand Roy  
 Esleu de Dieu, & aymé ie le croy.

Premierement de la teste au sommet,  
 Ceste tressainte unction il luy met:  
 Secondement en la poictrine est mise,  
 Quant on luy eut auallé sa chemise:  
 Puis entre deux espaules: puis la dextre:  
 Consequament oingte fut la senestre:  
 Les plis des bras: & les deux mains aussy,  
 Neuf unctions le Roy recent icy.  
 Et en chacune une oraison fut ditte,  
 Qui ne peult estre en mes rithmes écrite:  
 Car ce seroit de moy trop presumé.

Lors les Prelats assistants ont fermé  
 La camisole, & chemise entreouuerte.  
 Et Longueuille à teste descouuerte  
 Au Roy bailla les trois habillemens,  
 Ou y auoit perles & diamans:  
 C'est à sçauoir celluy qui represente  
 Le sous diacre, avec façon decente:  
 Et celluy la qui en ce Royal sacre  
 Representer aussi doit le diacre:  
 Mais le mantel Royal dont il s'affuble,  
 Interpreter se doit pour la chasuble.



## LE SACRE DV

Le Roy ainsi uestu, le Roy tresdigne,  
 Les mains ioignit encontre sa poictrine,  
 Et par monsieur de Reims baillez luy furent  
 Des gans beneists, que ses deux mains receurent:  
 Mais tost apres fut beneist un aneau  
 Auquel estoit un diamant tresbeau,  
 Dont nostre Roy le Royaume espousa,  
 Et en son doigt le meist & le posa  
 Monsieur de Reims: qui prist le Royal sceptre  
 Dessus l'autel, & le meist en la dextre  
 De ce grand Roy, faisant bien son office.  
 En la seneestre eut la main de iustice:  
 Mais non sans cause en la ceremonie  
 Au Royal sceptre est la iustice unie.  
 Non sans raison le Roy pour son partaige  
 Est à la France uny par mariage:  
 De l'un ne peult l'autre faire diuorce,  
 Tant sont conioincts, de richesse & de force.  
 Il doibt aux siens iustice & seureté:  
 Nous luy deuons en foy & loyauté  
 Amour entiere & uraye obeissance.

Ce que dessus d'ancienne ordonnance,  
 De poinct en poinct parfaictement remply,  
 Le Chancellier d'eloquence accomply,  
 Le Chancellier tressçauant & tressaige,  
 Contre l'autel se meist, tournant uisaige  
 Deuers le Roy, & toute l'assistance,  
 Et appella les douze Pers de France,  
 Selon leur ordre, & renc de dignité.

Ainsi



## ROY HENRY II.

Ainsi qu'il est en tel acte usité.

Et toutesfois pour le couronnement

Il a nommé les lais premierement:

Sommant chascun d'entre eulx d'y assister,

Et ne faillir de se représenter

En leurs habits, dont cy est mention.

Quand il eut faict sa conuocation,

Monsieur de Reims de sa chaise leué,

Deuers le grand autel s'est esleué,

Dessus lequel il prend la grand' couronne

De Charlemagne: & nostre Roy couronne.

Mais sur son chief la met sans le toucher:

Puis tous les Pers se uiennent approcher,

Et y ont mis les mains pour la tenir.

Et quand monsieur de Reims uint à finir

L'oraison propre à cela destinée,

Du Roy il a la teste couronnée.

Et sur son chief seul la couronne à mise,

Dont fault noter que de Dieu & l'eglise

Tout bien procede & toute preference:

Tresheureux est le Roy qui bien y pense,

Ce que du nostre est autant esperé,

Que par nature il y est préparé.

Mais passons oultre: on le ueoit maintenant

Le Royal sceptre entre ses mains tenant,

Auec la main de iustice: & son chef

Enuironné par les Pers de rechef:

Car chascun d'eulx autour de luy se met,

Et au plus pres qu'il peult la main remet

A sa couronne: & au dextre costé  
 Monsieur de Reims pres de luy s'est bouté:  
 Mais deuant luy monsieur le Connestable  
 Portoit l'espée aux peruers redoutable.

Le Chancelier en son lieu le suyuant,  
 Et saint André de Grand maistre seruant,  
 Puis Longueuille & la Marche ie uoy.

Et en cest ordre & triumpuant conuoy,  
 Monsieur de Reims a ce grand Roy mené  
 Iusqu'en son throsne, & hault siege ordonné  
 Sur le pulpitre: avec tel appareil,  
 Que de long temps n'en fut ueu de pareil.  
 Et de ma part à mes yeulx ie deffends,  
 De ueoir iamais actes si triumphans.

Estant le Roy en son throsne arriué,  
 Et sur son siege haultement esleué,  
 Contre la nef soubdain le dos tourna,  
 Dont tout le peuple à Dieu gloire donna.  
 Et ce pendant monsieur de Reims disoit  
 Mainte oraison qui au propos duiroit.  
 Puis il osta sa mytre, & a baisé  
 Le Roy ainsi estant inthronisé,  
 Luy ayant faict une grand' reuerence.

O le triumphe! ô la magnificence!  
 Lors a cryé tout hault, mais doulcement,  
 Viue le Roy perpetuellement.

Et apres luy aussi le Roy baisèrent  
 Les aultres Pers, & leurs uoix esleuerent  
 Iusques au Ciel disans semblablement,

Viue



Vive le Roy sempiternellement.

H à quelle ioye & exaltation!

Le peuple feist une acclamation,

Et d'un accord avecques les haultx bois,

Il a crié d'une commune voix.

Vive le Roy: puis toute la Musique

Se faict ouir, en chantant le cantique

De Te deum, par celluy commencé

Qui est Prelat, digne d'estre exaulcé.

Chantres meslez parmy fleustes doulcettes,

Orgues, clairons, avecques les trompettes,

Contentoyent fort, & l'oreille & le cueur,

Et ont chassé tout ennuy & langueur:

Car Claudin feist (comme tousiours) cognoistre,

Que de Musique il est un parfaict maistre.

Et pour l'exploict de ceste ioye, alors

Dedans la nef de l'eglise & dehors,

Deuant le grand portail se feist un iect

De grand largesse, un exemple & proiect:

Car pieces d'or & d'argent y uoloyent,

A qui les prendre & cueillir les uoloyent,

Ou l'effigie estoit au uis pourtraicte

De nostre Roy, bien graüée & bien faicte.

Du iour la dacte y estoit mesmement,

De son saint sacre, & du couronnement.

Puis ça & la d'escuz on a iecté,

Et de monnoye une grand quantité,

Pour resiouir un peuple si loyal.

Et le Roy mis en son siege Royal,

# LE SACRE DV

Monsieur de Reims, qui a la charge expresse  
 D'officier, & dire la grand' messe  
 Est descendu: & est assez notoire  
 Que dressé fut l'autel de l'oratoire,  
 Et sur l'appuy furent posez debout  
 Main de iustice, & sceptre a chascun bout.  
 Et puis la messe a esté commencée:  
 Mais quand ce uint qu'elle fut aduancée  
 A l'euangile, ou gist toute la foy,  
 Incontinent s'est leué ce grand Roy,  
 Et par le Roy de Nauarre fut prise  
 Dessus son chief sa couronne, & fut mise  
 Sur le carreau de l'appuy préparé,  
 Car tout y fut tresrichement paré.  
 L'euangilier apres lon presenta,  
 Et de Soissons l'Euesque le porta,  
 Marchant deuant celluy tant renommé,  
 Qui Cardinal de Lorraine est nommé:  
 Lequel deux fois auant que d'estre en hault,  
 Feist reuerence, & puis sur l'eschaffault  
 Aupres du Roy de rechief il l'a faicte,  
 Auec sa grace & faconde parfaicte:  
 Et lors au Roy offrit l'euangilier,  
 Que le Roy baise, & ueult s'humilier,  
 Reconnoissant la ioyeuse nouuelle  
 De son salut, qu'en son cueur renouuelle,  
 Certain tesmoing que dieu est appaisé.  
 Et quand le Roy l'euangile a baisé,  
 Le Cardinal l'euangilier deliure



## R O Y H E N R Y II.

A ce prelat de Soissons, qui le liure  
 A monseigneur de Reims faisant l'office  
 D e la grand' messe & diuin sacrifice,  
 O u du saulueur est la personne offerte.  
 A u demourant, quand ce uient a l'offerte,  
 O u fault qu'a Dieu oblation se face,  
 P remierement uient le seigneur Horace,  
 P ortant le uin dedans un grand uaisseau  
 D'or estoiffé, merueilleusement beau:  
 V n pain d'argent de Maynne le Marquis  
 P ortoit apres selon lordre requis.

Le Duc aussi d'Estampes en sa main  
 P our estre offert d'or auoit un grand pain:  
 E t monseigneur de Vauldemont estoit  
 T enant son renc & la bourse portoit,  
 O u d'or y eut treze pieces massifues:  
 E t d'un costé en ses beaultes naïfues  
 D u Roy la face au uif estoit empruincte,  
 E t d'autre parr de l'Ampolle tressaincte  
 F ut le pourtraict, & la dacte susdicte  
 D u iour du sacre y estoit bien escripte.

P uis ces seigneurs qui l'offrande porterent,  
 E t les heraulx au deuant d'eulx monterent  
 I usques au throsne: & ne fut point obmise,  
 L a reuerence en tel acte requise.  
 E t tout soudain qu'ilz y sont arrinuez  
 P artis en sont: mais entendre deuez,  
 Q ue l'on auoit à tout si bien pourueu,  
 Q ue meilleur ordre oncques il ne fut ueu.



Les deux heraulx ont marché les premiers,  
 Et apres eulx de chambres les huysiers,  
 Sachant chacun ce que faire il debuait:  
 Puis le seigneur Horace les suivoit,  
 Qui en ce sacre & mystere diuin  
 Commission eut de porter le uin.  
 Mais le Marquis de Mayenne a eu l'honneur,  
 De porter l'un des pains: & le seigneur  
 D'Estampes l'autre: & la bourse ou estoit  
 D'or mainte piece, apres luy se portoit  
 Par monseigneur de Vauldemont susdict.  
 Le Chancelier digne de son credit,  
 Sainct André suit, tenant lieu de Grand maistre.  
 Le Conestable en tous ses faicts à dextre,  
 L'espée nue en la main feict bon ueoir,  
 Comme celluy qui aux guerres pourueoir  
 Et en la paix doit pugnir les meschans.  
 Tous ces seigneurs en cest ordre marchans  
 Quand Longueuille & la Marche garderent  
 Le Royal throsne, & seuls y demourerent.

Le Roy desia sacré & couronné,  
 De tous les Pers estoit accompagné:  
 Et de son throsne avec maintien decent,  
 Iusques aupres du grand autel descend  
 Portant le sceptre & la main de iustice,  
 De son deuoir tesmoignage propice.

Louis Monsieur de Vendosme a en charge,  
 Prendre du Roy le sceptre, & l'en descharge,  
 Comme aussi feict la Roche sur Yon.



## ROY HENRY II.

De l'autre main: lors en deuotion  
Telle que Dieu a un bon Roy demande,  
Le Roy rendit a Dieu pour son offrande  
Or, pain & uin, en signe qu'il confesse  
Que tous ses biens, sa force & sa haultesse  
Il tient de luy: & mesmement luy donne  
Auec les biens son ame & sa personne:  
Mais Dieu luy doit si bien nous gouverner,  
Qu'avecques luy en fin puisse regner.  
Ce bien au Roy & a nous ie souhaite.

A pres qu'il eut son oblation faicte,  
En son hault siege & throsne retourna,  
Et un chacun des Pers l'accompagna:  
Le Connestable & Chancelier aussi,  
Et Mareschal saint André: mais ceulx cy  
Qui les presens de l'offrande porterent,  
En leurs premiers sieges s'en retournerent.

Se poursuuant la messe solennelle,  
Iusqu'a la paix, le Roy qui tous excelle  
En maiesté Royale & souueraine,  
Du triumpant Cardinal de Lorraine  
La paix receut, le baisant en la iouë.  
Mais monseigneur de Reims que chacun louë,  
Au Cardinal premier auoit donné  
Baiser pareil de tout temps ordonné:  
Et tous les Pers aussi lors s'approcherent,  
Et le baiser de paix au Roy donnerent.

La messe apres étant paracheuée,  
La compagnie humblement s'est leuée,

## LE SACRE DV

P our rendre au Roy l'honneur qui luy est deu  
Quand de son throsne & siege est descendu.  
P our le surplus de son sacre parfaire,  
Il a receu l'hostie salutaire,  
De Iesuchrist, corps & sang precieux:  
Le corps & sang, le corps que tous les cieulx  
La terre & mer en soy ne peuuent comprendre,  
Deuotement icy a voulu prendre  
En desirant estre ioingt & uny  
A son seigneur, & de ses biens muny  
Comme heritier de luy par testament.  
Que peult un Roy faire plus sainctement  
P our gouverner ses subiects & soymesme?  
Sans Iesuschrist, du Roy le diadesme,  
Mytre de Pape, & sceptre d'Empereur,  
Ne ualent pas la faulx d'un laboureur,  
C'est luy qui seul & les oste & les donne.  
M onsieur de Reims alors la grand' couronne  
P rint sur le chef du Roy, pour y boutter  
V ne autre moins difficile a porter:  
Et par monsieur d'Anguyan fut portée  
Deuant le Roy celle qui fut ostée.  
Le Connestable entre deux par honneur,  
E stoit le plus prochain dudit seigneur:  
Car sur ce poinct les Pers & clerks & lais,  
Auec le Roy marchent iusqu'au palais,  
Le Roy uestu de ses habits Royaulx,  
Enuironné de maints seigneurs loyaulx,  
Qui l'ont suyui, & par tout ueulent suyure,  
E stimans



## ROY HENRY II.

*Estimans moins mourir pour luy que uiure.*

*Ie ne ueulx pas cy endroict m'arrester,  
A uous deduire & en uers reciter  
Le beau festin qui au palais fut faict,  
A fin que rien ne restast imperfaict:  
Mais ie ueulx bien qu'à chacun il souuienne  
Que par monsieur l'Archeuesque de Vienne  
Estant le Roy dedans sa chambre entré,  
Et d'autres beaulx uestemens accoustré,  
Incontinent la Royalle chemise  
A uec les gants dedans le feu fut mise,  
Car au saint cresseme & huille auoyent touche.*

*Or ne me soit pour faulte reproché  
Si ie n'ay peu correspondre au merite  
De la matiere: une offrande petite  
Partant du cueur de Dieu n'est reietée,  
La mienne doncq du Roy soit acceptée,  
Et Dieu luy doint triumpfer sur enuie,  
Et prolonger son regne avec sa uie  
Au bien du peuple: & en paix florissant,  
Soit son honneur de iour en iour croissant.*

F I N.

H ii

*Et si l'usage appartient à  
Guillaume Marie qui  
trouva le Livre et si  
en son plan*

*[Illegible scribbled text]*

*m ✓*



100

101

102

103

104

105

106











SPECIAL

DC

114.3

C53

1547

88-B

34377

Bound w/

88-B 34681

85-B 3104c.2

85B 3101c.2

87-B 3940

85-B 2964c.2

88-B 34819

88-B 34820

